

Na osnovu člana 16. stav 2. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“, broj: 7/10 i 3/23), člana 37. stav (1) Zakona o izvršavanju Budžeta Zeničko-dobojskog kantona za 2023. godinu („Službene novine Zeničko-dobojskog kantona“, broj: 3/23 i 10/23), Programa utroška sredstava vodnih naknada za 2023. godinu, broj: 02-11-8305/23 od 19.05.2023. godine, na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 30. sjednici, održanoj dana 03.08.2023. godine, d o n o s i

ODLUKU

o odobravanju sredstava Gradu Zenica radi otklanjanja posljedica od poplava

Član 1.

(Predmet)

Odobravaju se sredstva Gradu Zenica u iznosu od 150.000,00 KM (stotinupedesthiljada konvertibilnih maraka) za sanaciju šteta od poplava usljed prirodne nepogode uzrokovane obilnim kišnim padavinama.

Član 2.

(Analitička konta)

Sredstva iz člana 1. ove odluke isplatit će se Gradu Zenica sa razdjela 23 - Ministarstva za poljoprivredu, šumarstvo i vodoprivredu Zeničko-dobojskog kantona, budžetska organizacija 01, potrošačka jedinica 0001, ekonomski kod 615100-NAD 403 pozicija „Kapitalni transferi drugim nivoima vlasti iz sredstava posebnih vodnih naknada“, budžeta Zeničko-dobojskog kantona za 2023. godinu („Službene novine Zeničko-dobojskog kantona“, broj: 3/23 i 10/23).

Član 3.

(Realizacija Odluke)

Za realizaciju ove odluke zadužuje se Ministarstvo za poljoprivredu, šumarstvo i vodoprivredu i Ministarstvo finansija, svako u okviru svoje nadležnosti.

Član 4.

(Izveštavanje)

Obavezuje se Grad Zenica da izvještaj o namjenskom utrošku sredstava iz člana 1. ove Odluke dostavi Ministarstvu za poljoprivredu, šumarstvo i vodoprivredu Zeničko-dobojskog kantona najkasnije do 30.11.2023. godine.

Član 5.

(Stupanje na snagu)

Odluka stupa na snagu danom donošenja i objavit će se u „Službenim novinama Zeničko-dobojskog kantona“.

PREMIJER

Broj: 02-11-12325/23

Datum, 03.08.2023. godine

Z e n i c a

Amra Mehmedić

DOSTAVLJENO:

1x Ministarstvo za poljoprivredu, šumarstvo i vodoprivredu,

1x Ministarstvo finansija,

1x Grad Zenica, putem Ministarstva,

1x „Službene novine Zeničko-dobojskog kantona“,

1x a/a.